

七十二葬法

賴太素著

永寧尹一勾發義

葬者乘生氣也。天之靈氣之鍾，不無萬殊，而人事亦如之。豈得有常法乎？是法者，禮相也。其腐也，理者神明也。神奇也，顧神明固不在禮相，而舍禮相更無以覓其神明。然則神明也，禮相也，存乎其人。有其人，則能貫通乎法之中，更能變化乎法之外。無其人，則人均地害者，固多而地為法害者，尤多。乃知人存，則臭腐可化為神奇；人亡，則神奇亦化為臭腐。

一勾子曰：葬法者，以法取其靈氣也。惟認得靈氣之所鍾，而以法取之。若不知靈氣為何物，而妄施法度，則人為地害，地為法害矣。苟非其人，道不虛行。孔聖所以慨歎於為政也。

第一章 審諸穴場之體段而用法者凡四

穴場生氣有大小淺深之不同，而葬法因之。其大小有相去什伯，淺深有相去尋尺。當相其體段消息，始生氣得乘，而生人受陰，不則乘死氣矣。謂之與棄戶同。奚疑。

一勾子曰：穴場大宜大，其羅圍穴場小宜小。其塚難此常法也。所俱者，穴場大而死氣亦大，用大葬法以收之，得不為法受弊乎？吁！此難為不知者道也。楊公云：但逢死氣，皆無取棄而不用可也。

大葬法

生氣潤大，則靈氣之乘亦大。良由星辰高大，龍虎寬舒而融結。此潤大生氣，勾小葬之，則星辰龍虎內堂之靈氣所凝結者大，而穴小，不足以收，則滿而溢於穴外矣。你能返氣納骨耶？大者大，其羅圍塚堆也，雖無定式，而大略權衡於十尋五尋間。

一勾子曰：星辰高大，穴場寬狹，不宜用大葬法。龍虎寬舒，內堂逼迫，亦不宜用大葬法。大葬法，台宜用於穴場寬堂局潤，生氣多處耳。

小葬法

生氣小葬法亦宜小而塚墓不出二尋一丈之間蓋小穴其星辰龍虎內堂大都俱小亦有居於大局之中者必大局中又有微茫小局在故融結此穴但有影無形而心粗氣浮者不能察耳葬得其法發福極快苟失其法則滿棺蠅水而冷退絕丁

淺葬法

一勺子曰小葬法惟形勢微茫星辰細嫩界合深淺處宜之若大作園塚天靈斷損生氣息矣

仰掌之脈氣輕清而靈光寒於土皮鋤一二尺土色佳三四尺下便砂石矣若置棺於砂石之中則泥水浸而骨黑爛

一勺子曰土淺處宜淺葬但要氣聚處淺葬則易發發極快

深葬法

厚重之質其氣深釀乎岡上皆鬆散土山隴上皆砂石土失之於淺則白骨爛而不及放深則未納葬其氣僅小發而已江收乎岡有深至數十丈江南山隴未有深至十丈者而江南平岡與江北又大異也

一勺子曰江北土厚處宜深然有土薄之所宜淺者江南土薄潮多宜淺近又有土厚之處宜深者因穴制宜可也

第二章 取諸四勢而用法者凡二

垣局有大小則化工之寓不薄厚得其大鍾大福小鍾小福若氣不與棺相應造化何能相屬一勺子曰氣與棺應四字可破書義余更愛其每章首篇詞義重情之佳可咀可味

厚葬法

厚葬者塚墩土厚也但局寬廣則氣寬須厚土以納之薄則靈氣游而不宿不宿則棺內烏得有氣江北平岡龍虎動經數十里故深葬而不去其土良有以也

一勺子曰藏於平岡者應厚墩以蓄氣大和也平岡雖於諸勢而易於掘

薄葬法

垣局緊小靈氣亦薄須薄土以迎之發越極快但不耐久耳若用厚土培墳則氣僅凝於塚土而不入於棺中氣不入棺何異鼠穴存金

一勾子曰藏於山谷者宜薄堆以招攝天和也山谷難於招攝而易於蓄聚

第二章 審諸生氣之質性而用法者凡十五

天地父而萬物生父者陽嗑陰吸之候中和之境也陽一嗑而陰得承陰一吸而陽得施造化惟一中和者中之著其賦於形質者有其清其濁其厚其薄而剛柔強弱之病形焉者兩儀之有象也若夫默運於於穆之中目所不能視手所不能指而實先天地而常存後天地而固有者太極之無形也然太極之無形即在兩儀之有象處求之而父即見端於不父自可由不父以求其父中即隱於不中之中自可由不中以適其中得其父而陽嗑陰吸之情當矣夫人之葬也豈真藏也云乎乃葬夫天地之父也葬夫天地之父之中也

一勾子曰太極之無形即在兩儀之有象處求之而父即見端於不父之中中即隱於不中之中及葬夫天地之父之中也等句將形氣交姤處一齊道破故知非真地仙不能著此非正地學亦不能洞徹此中妙處

吞葬法

入首開竅大深乎太陽在內外太陰陰陽相接有微凸少陰之胎太陽凝少陽之氣從陽入聚氣猶如人吞物穴體微小不宜打破如損壞立見天之四勢乎夷若加塚因於其上則氣乘風散而陽嗑陰吸之情泯矣故用吞葬法其法於微凸下穿一小孔洞將棺送入洞內以厚土封固洞口外作假堂虛井與棺相值則內之山靈之氣由外之堂氣而凝如法則發福大而綿遠如明堂傾散不用

一勾子曰吞葬是返氣入內之良法也內之山靈之氣由外之堂氣而凝以明堂蓄聚不見水流為主

如明堂傾散必不可用

吐葬法

太陰之脉峻且強少舒太陽便成穴要知胎自太陰成雖經變化氣還急葬法用吐氣始和淺并放棺毋淺入人吐元氣還到辰聚氣俱從喉裡出後岡劍脊化出陽氣少許推已成穴而氣尚未和湊之則骨黑爛而速禍離之則氣脫而冷退絕丁氣不離棺棺要得氣棺氣相值富貴始得故以吐法葬之其法有橫棺與上空墳相連則殺氣和而生氣接矣大抵太陰之脉必大舒陽氣殺氣方盡如其不爾則置棺於皮土之上今見陽氣尚少而四勢又無容用載故用吐也必形體潤大穴場寬廣土質深膩者始可以吐法葬之不然一塊猪羊肝右吐之禍生旦夕

一勾子曰氣不離棺棺要得氣當陰殺已息陽氣方來處乘之作虛壙亦宜在陰煞處

斜葬法

穴場窄了直葬則上下難容生氣稍斜故放棺亦斜若直兩壙或橫放其棺不用斜法非首受殺則足就冷矣橫必稍潤為善

一勾子曰生氣到時至不能容一海棺則穴場之短小可知用斜法則全棺俱入於生氣之中法奇而理常

啣葬法

花將放時曰啣葬靈氣雖發尚未散噬吸之情自昭然神明若隱又若現不解但有人啣物重則入口輕則脫入首星辰大開陽面却橫身俱靜而死只有微微一點昭然此真天精天粹之極妙也非至貴之地極秀者不能有此若進就一點之中則靈氣放而滿棺泥水確云一點之外則靈氣脫而法退絕了却以啣法葬之却與含不同含者含在口內啣者啣在口致半在口外其法將棺半入脉內半安脉外不可用

磚砌墻即皮墓亦不可過厚蓋此一點真靈之氣寸土即寸金也倘用大磚結砌與打破何異耐鳥撞樹葉搗汁和灰周棺三寸許萬年不朽

一勺子曰花蕊嫩秀口鉗窄小多用啣法不宜損傷毋庸培成聽其自然

息葬法

星辰雄大元武粗重殺氣直奔人於穴中合口雖有一分之餘生氣的居極旺之中若不阻却其來鳥能冲和其止息者憊也止也休也經曰地氣行乎中其行也因地之勢其聚也因勢之止又曰死而中蓄然則葬也者墓夫止也今見主穴端嚴龍虎把衛明堂朝對俱休一走垂頭粗重峻急而無止處故以息法葬之蓋粗重峻急之氣經一息則稍憊矣粗重峻急之氣稍憊則殺氣休而生氣止矣其法於穴後大開平基將粗重之體我成天輪形樣以作近身蓋氣復整一深大之井於蓋氣之下而立穴氣空壙之前培削相其形勢大抵息法與借法相同落坪之借不須息高山之息頻用借而亦有不借者而深葬必無一勺子曰空後餘土以息其粗峻之惡氣也亦急求緩受之意

閃葬法

純陰不化渾身死出身俱是貴格龍端巧明堂不在中巧拖閃法有神功橫施之勢可追蹤直就之情細研窮閃者躲避而復窺竊之意垂頭孤龍渾身之殺犯其當頭立主屠戮之禍若龍真局備則近身左右必有明堂十分端巧當就有堂一邊立穴然猶殺氣未盡更以閃法葬之其法按實虎作一空壙不鋤寸土或更培土而與無脉虎結井放棺兩壙並立稍開一尺而合塚為一更於穴右殺出水星天輪形則遇身之殺自出而龍局之貴氣納矣此等穴格的主威勢倘穴則閃而不以閃法葬之雖貴而難光於刑大抵閃之脉與吐之脉相似吐真受而閃旁竊故異名也閃之機與吐之機不同吐以迎其吉閃以避其凶故置法也三者俱劍脊龍支損地師當預定穴基窮金而去不可見破土與土升棺尤忌

一勺子曰閃法以堂局為主若堂局不真須用息法以脫陰煞切不可閃

天氣下降要得地氣上升降與升接天得地交不與地交偏陽尤孫何以不交體厚之故少陽之脉氣本
淺疑乃天氣下降而成者也然必借地氣之上升而後陽得陰吸而交通今茲少陽之體而得厚重之形
則天氣降而地氣之升尚未和不和則天氣便不與地交犯陽孤絕往往有龍真局備而結少陽厚重之
穴本當奕世富貴而僅小發而絕者蓋因此也欲得陰吸之情必引其上升之氣故以浮法葬之其法深
鑿金井結空壙於底而置棺於空壙之上則地升氣而與天降之氣者接矣出人秀頤早登科第動垂竹
帛

一勾子曰空底以接其地氣之升實棺於上以受其天氣之降由少陽之體不及太陽之力之重而正
地於重厚之質不相宜耳太陽正卦也少陽乃正卦之所通也即一卦通八卦之訣

沉葬法

地氣上升要得天氣下降升與降接地得天交不與地交偏陰毗孤何以不交勢勝之故少陰之脉氣本
深藏乃地氣上升而成者也然必借天氣之下降而後陰得陽吸而交通故少陰之脉多用闔開局而作
深大塚堂倘番諸四勢而又高厚完固則又不可闔開則陷而囚矣若置棺於土皮之中則氣從下過小
發而止竟深葬則下之生氣不受天陽鬱結不得舒生氣便為殺氣至生人顛沛而絕語云善葬者宜失
之淺毋失之深正謂此種穴法也欲盡地之力當當以沉法葬之其法深鑿金井結壙置棺再加空壙於
上實以納其地氣之升虛以接其天氣之降則生氣沖和而富貴得矣往往見接天之地詢之俱係絕塚
者葬之不得其法也

一勾子曰沉葬者上置空壙以接天和是一大訣其法宜知然天地之間多戾氣馬上設空壙反多連
禍斷斷不可其法亦宜知

砂極星長落大坪靈神滿漫無根止龍真局備造化全細看明堂文合水週虛真井以住婦夫便留文
嬌成有等收極望辰鋪出一塊大坪而界水分明元辰交合此是太陰竟變太陽乃上天勳業之地其穴
固在水文之上而葬之却成義水穴者何哉良以無婦則然良蓋太陽之結地氣絕佳全是天氣之聚故
名氣穴影穴然一陰一陽之謂道天下豈有無婦而夫福者乎故必金一大井淺深相其形力而結一大
壙高丈許廣數丈再位小壙中放以直棺而上下前後左右俱虛使地氣之上升者得有所納則天氣自
凝而文嬌成矣

一勺子曰陽坪闊大不能收拾視其龍真局真作一大壙以鎮土之壙內復作小壙以放棺則地氣上
升天氣下降矣

懸墓法

龍秀砂拔砂軟媚外山外水特來會入穴那堪是純陰於去石太懸法葬女淋自然遇良人陰煞潛消陽
自降懸法之葬理元微明堂須要十分奇陰求陽受此定論也乃有求龍出身甚貴人首星長盡拔清秀
龍虎曲抱有情且外局更水文山會其為真氣之聚無疑陰吸觀其成所上則巉峨陡峻下則巖尾鎗頭
吐葵立傷人口大凶閃葵則明堂不納靈氣不聚冷退絕下當以懸法葬之其法將鼠尾鎗頭石塊盡行
打去以吉土培作乎基厚薄相其形力而造壙石星於平基之上棺用同東懸掛於中六合俱懸空而不
着實外封土成墳則陰殺僮僕石屋下脚而不及於棺天陽之氣得納而富貴得矣蓋純陰之穴純是砂
石每逢天雨則水從砂裡石縫中溜出所謂殺也懸則水不侵棺而殺出矣故有龍真穴的而穴場是細
砂者亦用懸法以避水也懸與虛相似而所施不同虛施於入穴之純陽而懸施於入穴之純陰故用虛
者無碍於用懸而用懸者斷不可用虛昇以避水虛以注氣苟不細究其立法之義安能動收其用法之
功

一勺子曰此穴全用人功補成亦盡人合天之意非真知之惡乎能之苟不細究其立法之義安能致

收其用法之功信然

通葬法

入穴生氣涸大則歇滯而不靈動雖龍虎元武與外之砂水基秀其貴終出人粗久而不發富貴當以通法葬之大開羅圈以半圈收棺半圈深鑿一洞用磚砌如其樣以通其氣棺在左通其右棺在右通其左無財左右俱通更甚則通其後通者歇滯之氣使之流行通明也法與閃相似而閃以避其煞通以行其氣理與吐相似而吐用於氣之直通用其人之斜

一勾子曰氣之不到者以通法葬之有內通之益復有外通之妙

從葬法

從者從也主居其位而門下從之則曰從者生氣福大宜大葬以收其氣若徒大其圈環而棺不多則天靈之氣乃凝於塚而不入於棺終不發福且多阻滯故以從法葬之其法大造羅圈將正棺葬於穴之虎而左右前後多葬無雨之棺以從之蓋從棺得氣則正棺之氣愈旺矣此等地昭穆葬而有數十世富貴者俱以地氣潤大葬者俱得生氣故也

一勾子曰一塚入數棺比於信從者聚有生氣自遠而來

錫葬法

有大龍來的小接行人首失斷持起成柳蒿星辰力上眾而不開口然後龍失酒持怨地氣成申下而升上天氣下降而天於土皮深不過五六尺淺葬地氣不得接深葬天氣不得納若關其頂而葬之則造化以來所凝之靈氣盡闕而去之甚為可惜且四山雖拱衛而稍遠則天氣收而豈能頓聚初年必陷陰結之殺故當以錫法葬之其法於山頂受穴處大開其井而結壙直棺於平鋪樹木之上壘土成墳山頂如舊其井深數丈至燬石而止將難朽之木備直層鋪真平大井葬後日久不腐朽爛則家與因新陷四因新助去之初年納天氣而地氣未嘗不升且後得地氣而天氣亦未結而不散葬後抱勿滿床兒女哭

世萬不失一形似照天燭燭

一勺子曰此法是初葬順天氣葬久受地氣之燭但塌下時宜動力鋤去兩邊浮土方免落陷之嫌書傳宋子曾祖母墓金斗穴五星聚講虎深開其井壓以巨石是先受地氣後收天和之法與此互相發明

隧葬法

龍氣深厚潤大淺則犯陽流之煞深葬而井小犯陰結之殺皆主凶當以隧法葬之其法大開金井深數十丈許造石屋於下中具雨石僦蓋石平而棺爛於上理與通相似而通則淺而小隧則深而大法與懸略同而懸則幽於地上隧則入於地中江北平岡土厚水深氣沉脉大多用隧法江南萬中之一一勺子曰隧葬可用於北條土厚之處而南條湖海之地不宜

倒葬法

倒騎龍湧泉受氣則穴居當看形體固是平夷而質性尚屬堅硬無法以葬之一發便瘟火而絕法當脚後與兩旁棺底俱砌一空壙以冲和其氣此穴當已合之法也若稍有偏勝者止虛一壙於貼脉處掛鈎之結不當以倒騎論

一勺子曰此倒是倒收其氣非倒騎其龍將倒騎龍作回傍樣

洩葬法

龍脉飽旺雖實葬後多生瘟火刑戮頻以洩法葬之其法葬後擇一吉日抽出棺木以洩其氣甚者再抽一次至第三次然後葬其骨始無凶禍而永福便法將牛骨入壙中初次牛骨黑如赤漆七次如灰白色二次漸有紅潤色方可葬其骨

一勺子曰龍脉雖旺雄實後宮閉塞面前氣來有葬四五家而俱受其凶者後來有福者得氣一葬即發亦是先將牛馬骨埋藏之意是有天馬不可強也

第四章 審諸穴場之生死而用法者凡十一

生氣之乘法多端而承棺之八尺最切蓋此八尺乃造化之所凝而以骨乘之者也其集也固無方體之可擬而要不出星辰五行之性與體段之質以宗其剛柔厚薄之情使八尺之棺居於生氣之處自然生人受福

一勺子曰八尺無定所生氣無定在必使棺居於八尺生氣之中然後主人受福夫生氣者隨時轉徙也故夫知時務而達世勢者方屬名師

沿葬法

倒地木星形體固已嫩小而生意仍如轉反則穴在夾堅夾軟之處濶氣多許正可止一棺即和兩棺便有偏枯故以沿法葬之沿者乃循其氣而依之也其法將棺斜放更參差以安生氣外則合塚立碑以受堂局出人清秀聰明少年發達苟失其法難免瘋癱痼疾孤寡僧道之患

一勺子曰氣之小者承之難氣之大者承之易小巧不宜傷殘濶大最宜排鋪

頂葬法

倒地木星鉞皮穴也木體渾身是硬便渾身是死若是真龍背面分明其開面一邊有木皮拖出形如魚腹樣正百死中之一生也若單葬一棺上下猶自餘正葬兩棺左右便見不足故以頂法葬之其法就生氣鑿一長井兩棺一直而葬頂者下棺之頭頂上棺之脚也須陽在下而陰在上陽作塚而陰藏形蓋天氣重於地氣而男宜勝於女骨故更有橫受於皮或棺脚相攻棺頭相頂俱看生氣

一勺子曰生氣在一線之中俱用頂葬法固不僅一倒地太煞也但倒地木星於直硬之中得百死一生之穴亦有不能作頂葬者隨地取裁因時制宜可也

坡葬法

有等平岡體濶大瀾漫如鋪毡展席之式大則數百畝次則百餘畝小亦數十畝四圍俱是窮水蟠繞此

是平波穴也當設掌心中但形體散漫宜的處非目力所能測法於秋夏之候用魁線偏腦兩週看線處聚非一處以得局特異者為真穴消去浮土五六寸磚砌封墳過二三年後地氣升足然後擇日進棺形如錦被藏珠蓋珠圓而走過四則佳亦輕浮若坡也故名

一勺子曰平坡擇穴此是一法

佩葬法

入穴處必過厚邊薄然後有生死動靜之分而垂死接生之法始得行焉當脊受煞此定論也乃有真龍局簡而入穴却是中脊平分略無偏勝之勢而體又窄小非旁穴結兩穴之格故以佩法葬之其法於中脊作渾立圓而置棺於圓之兩翻將中脊空中而結空壙於土皮之上合塚成墳以納堂局土產社稷名巨神靈血食苟失其法清鋒不免矣佩即佩玉佩帶之佩垂於四旁亦淺露而不深藏之意

一勺子曰當脊安棺直受其殺然佩於一邊又恐堂氣有失故用兩棺分佩合冢成墳又納堂氣若堂氣偏於一邊作單佩法亦妙

比葬法

有等窩穴堂氣中正而生氣止得一邊比葬則犯令而偏葬又堂局不合棺內又無生氣故以比法葬之比偏黨也法將滿圓大圓而置棺於有生氣處其死氣處砌一空墳較架壙更深尺許外則合塚以接堂氣發福極快但富貴人俱土偏生

一勺子曰氣偏則生側室之子余馳過千家墳皆然視納甲先天與後天之說互相映証並行不悖

析葬法

書曰厥民析析者形分散而實相合之謂也穴雖不甚大又非藏車隱馬者比則氣在兩旁而中磚人死葬之心絕故以析法葬之將棺疑於兩旁而中槽掘一大溝闊三尺許深五尺許直通出與溪池相接而以粗砂和灰填實復用石板蓋而結空壙於上使陰殺從溝中滲出則生氣旺矣中空者借太陽之光消

陰暗殺也

一勾子曰窩穴兩邊界水從中走或中有泉窟滲流故用析法

橫葬法

橫者腰受氣之穴也立體極高勢峻直葬則過剛而足冷故橫放其棺橫龍貼脊亦然眠體漸旺氣潤橫騎龍當脊者亦然

一勾子曰挾水倚龍者龍從腰入亦是橫法

立葬法

此葬石辟穴之法大貴之龍遙奔江湖之中而開石辟壁立難容立足者然中有土縫吞啣借倚各葬俱不得以立法葬之立者棺直立也形如橫壁飛蛾聞越陡山高崖用瓶盛骨而葬亦即此意

一勾子曰立法止可用峻山陡嶺穴情小巧之處以穴石多土少也近世以罐易棺皆是立葬當自知其非矣

併葬法

拋地直珠圍聚大葬特小眾小葬特大或三台英口或兩突葬頸然有等怪穴大小不可據口頸無足憑當用併法葬之其法將中登父處立標上山認定靈氣以立穴將穴前亂堆挖去更開出一小明堂與前之中堂相應穴後將客土堆一大頂兩脚抱穴如矢輪影樣則參形雜勢之殺出而金水之清不清矣但遇此等怪穴須細心揣摩萬無穴情方用此法不然佳地損於彫琢之手豈非造化之罪人一勾子曰要當以明堂龍虎來脉朝局俱具方可於無可立穴之處看定四應用之

寄葬法

寄者似托也即寄物寄居之寄不是營造之謂大幹融結件件貴微而穴場却是一石洞寒久入洞暖如火煥法當置棺洞內而以吉土封洞門內不作塘外不作塚如寄跡然故曰寄

一勺子曰龍止氣蓄朝應速大結成石洞貴不可言

奇葬法

來龍入格元武正直左右龍虎明堂界水分合件件合法乃落穴之處是一水潭名為天池穴法當葬於潭中不用磚砌不用土培得氣則水自乾後水潭漲起而屍變化而去此等大地固所稀有亦所稀葬而發富貴極速

一勺子曰此等法度雖深知龍穴之真的亦不可葬葬者皆天也有德也其受與不受非人所能為也

第五章

納星辰之秀而用法者凡四

氣之有無審諸勢山與水交不交也氣之美惡貴賤審諸形貌之靈秀與粗濁也然靈秀與粗濁固有本之先天而後天無可挽者亦有先天藏其體必假後天以伸其用者荆山之璞非良工便不得為瑚璉之器

一勺子曰靈秀粗濁先天之所以藏其體也琢磨彫飾後天之所以伸其用也大璞非玉人不完美穴非仙師不知仙師之裁成乎天地功比良工之琢磨夫美玉

破葬法

頭面星辰微有扇翅而不大開口或是巒石皮則難於下手然審之四勢穴確在中故以破法葬之其法於受穴處用工打開裁成大窩而葬其茲收山者必有佳土方真收局者不計其土色蓋此星辰含蓄靈秀於中為重濁之質所蔽如玉藏石中必破石而玉始見此非至貴之龍不能融聚倘蠻鑿無用之處則受禍最慘

一勺子曰無用兩字有二解一是四應不翕必不可用一是形勢皆到時或未到亦不可用總屬蠻鑿

連葬法

頑崖穴抱在角大葬之法不可用何也穴在中則氣盛在旁則氣微大葬則生氣淺矣故用連法葬之連

即邀速之速賓原有會主之意而主更速之使會也其法小開金井仄築成墳不用磚砌初年不宜放水及至得氣之後始可放水亦須淺溝小圈為是法與掛相似而損用於穴之陽速用於穴之陰損以避風速以納氣故法同而名異也初年不放水以體不可傷也增土作圈便非速法

一勾子曰角土薄弱形勢與氣數合來棺落便發稍使人功即見傷殘此速字即作葬功之容易解

載葬法

載者負也寓也如舟之載物舟與物本非一物而實相終始有等龍靈之質靈光散露於外不可鋤掘寸土如倒地木星微起即泡而穴於節泡之下者如天財微窩而窩心藏穴者俱不動寸土不用磚砌封土成墳得法則發福大而且久

一勾子曰氣浮土面勢成中聚稍鑿寸土便犯低濕之弊如舟載物之喻最確

肥葬法

元武龍虎內堂俱闊大寬厚而穴基窄小落頭細瘦無法以葬之則小發而絕當以肥法作之肥者厚重其落頭廣增其穴基也

一勾子曰穴基窄小不足以配四應是謂賓強主弱

第六章葬局之法凡五

宇宙一太極天者大圈也合之統體一太極也地之一物各具一太極與天之統體一太極交則有氣入之葬也葬於天地交之中則便成大氣合之深葬小鑿煖如火煥豈真地氣有來路乎亦盡皆日月之照臨五星之經次而聚之耳往見以頂脉為得氣而葬之盡為絕塚可笑

一勾子曰全段仙語而云豈真地氣之有來路乎亦皆日月五星之照臨經次而聚之耳非地仙何能追之

培葬法

平洋田壠俱培葬亦陽來陰受也使之隆然而起愈高愈妙然田壠掘寸則寸水掘尺則尺水勢不得不培乃有山壠之穴來龍入格砂水會合元武龍虎俱特異可愛只入穴之處潭是大石審中氣起在何處將竹竿立定看水長水落有多少高低便於氣起之處立生與落水相平生上蓋石板板上培土較長水更高數尺砌壠安棺壘土成墳其水仍在庄下流去其氣在庄上透入葬後發富貴綿遠俗呼明珠出海又曰平與合同一理而何異法也蓋水有必歸於此而別無他洩者則用合法有勢歸於此而尚有他道得洩者則用于法何也咀於此則水去於彼也故當用合者無碍於用平而不必用平當用平者用合為易而斷不可用合

一勺子曰其水仍在庄下流去其氣在庄上透入如此取氣方取得真氣作法驚人恐非真仙不知且非有福之家不能用也

實葬法

有等寬天空窩絕無荄稜流西此是純陽無陰葬之則為蟻窟若果龍真局備當以實法葬之其法暗去浮土一二尺將佳土進成一泡上具化生腦下具毡毯則界合分明矣然不可隨堆隨葬以初堆土木堅仍有水無氣也實者本虛高而使之實非理與借相似借用於陰之峻寔用於陽之夷借以補陽寔以補陰故施功之有異也

一勺子曰龍真局備造化工而結穴處却緣空穴氣不害聚堆土成一泡上具化生腦下具毡毯則氣聚而穴不空小空則寔矣

架葬法

上聚之穴高山深窩却是石窟四時流水不斷當以架葬之法於石窟之旁立石柱築諸四勢非破露之格亦用培法葬之更有穴基本是佳土築貴平基台堆龍虎太高或大緊培葬始出囚壓之殺其法取佳土築寔平基厚則三五尺薄亦五六寸而冒枕於上壘土成墳發福極大極久

一勾子曰穴情低而四勢高宜架四時水流不斷而穴中濕更宜架

借葬法

龍虎砂水俱貴而元武峻淪無受穴處主穴於山上則陡立穴於山下則濕故以借法葬之法於葬穴處築成潤大平基而葬於平基之上借者借穴星以收堂局也三局俱有借惟收襟之局發稍遲以順局也

三障有借而泥漿之穴力更大以低處也

一勾子曰借者藉也藉其力也亦假也假其勢也因思埋葬之事無一而非借也借龍神以聚氣借砂水以合力借人工以補天巧借天氣以施地用借地力以受天施借死骨以陰生人知此者然後能知借不然吾懼其借非所借而凶禍煩來矣

掘葬法

勾其佳而聚處是一深窩不可埋葬以內殺故也須以福注作之於深窩處培一深高之基造一石星門可啓閉而棺開於中名為明堂掘後至人財大旺百餘年加土封成墳損生灾禍而絕

一勾子曰掘葬亦可以發福但可施窩之有氣處令江南無處不掘豈遍地盡成深窩乎讀此可以知

第七章

避水之法凡三

葬必求穴中之有生氣而氣與水不同途有水則無氣有氣則無水故有龍真局備而穴場是水密者苟不避其水氣何能納若能避其水何患不納氣

一勾子曰氣與水不同途一語真天仙化人之句

合葬法

有穴場住水中四時有氣起透天是每月水中之氣沖透合月官然水面一望無際况又水深難葬故以合葬葬之其法將土築起半月形選擇每月初三後至十四前十二日內擇吉日葬之將天上午月合照

水中培起半月共成一局發大富貴而悠久

一勾子曰半月形要用前半月日期亦是一法

平葬法

有山水會合而穴場佳水中四時氣透將土培起則氣便旁浮西散故以平法葬之看水作石牆而以大石板蓋於石牆之上前開一隙令水仍流出置棺石版之上壘土成墳立催富貴

一勾子曰於氣到之處平法以收氣用石柱開隙以流水氣與水不同途一上一下兩不相妨

漏葬法

地有兩脉相合而穴居山者形喝王著指饒頭固以形狀名亦以力之所到在此兩處也然竟造墳於中後面水無出處當以漏法葬之於受穴處造一溝在下上以石版蓋之然後填基砌壩而成墳使從溝中隱於溝池則二龍之氣自凝如規模宏大者用石版砌成橋高大可容人出入非欲其水之去速而然也亦以消其陰濕之熱耳二龍五龍今氣穴並依此法

一勾子曰此水號人中水要作法清出不可使之直流直流則氣分而兩氣不合又名分尸水極凶

第八章

出煞之法凡三

宇宙無他生與殺而已地道生機人道殺機天道薰之出身加民而用生用殺者皆天也地也者承天以生人以為天者也故有生氣隨有殺氣而得其生者自生得其殺者自殺而出乎殺之上自能殺殺入乎殺之中自能受殺今觀六合之內何莫而不相搏擊兼并者乎乃知生之殺之亦宇宙自然之氣也若曰神珍見秘以待有福造化亦何心哉

一勾子曰此章可作一篇典謨文字讀地書中鮮此大力生者出乎殺之上自能殺殺入乎殺之中自然生殺非真知一元太極者不能道

露葬法

有等大地穴場是埋鑿石縫立法鑿並無寸土法當於受穴處將頑石盡行鑿去以抖其殺天雨則水從石縫中流出所謂殺也待天陽照臨數年後陰殺消而水自止然後將吉土培之再數年土堅實擇日葬之此等地多是收水之結而收山之結間有之今人動曰鑿石逢土而葬不知地真何必問土若無地之處而鑿石得土亦可葬耶

一勾子曰余嘗謂總要地真何必論其是石是土是黃土是黑土耶若無地處雖土具五色亦屬無用今得露法名論益信前言之是

屏葬法

屏者逐之使去也傳曰屏諸四夷不與同中國凡見大地龍局其是可愛而穴場共多砂石則以屏之葬之其法將砂石盡行撤去而以吉土補足少待數年然後窆棺使殺氣不侵生氣自旺

一勾子曰於無可設施處或主人窘迫有屏法亦可若於美不勝收之郡邑有意用此甚非所宜

衣葬法

有龍穴甚佳龍虎元或近案或渾身是黑石縱極貴之地凶徒之產在所不免若穴窆天地之正氣而有此則有刑戮之禍矣欲去其殺須掩其形故以衣衣之其法將草蓋於石上以極細黃泥薄鋪累經雨過以松子徧撒之數年後鬱然青翠草木連蒲子亦可青石紫石不必衣

一勾子曰已葬處宜衣速用衣法以補救可也若於未葬之時思用衣法亦可以不必矣何也吉地方方有只需吾人之學問眼力以知之倘學問未到眼力未有不悞者

第九章

取諸龍虎而立法者凡九

夫龍虎者上所以衛生氣下所以聚明堂即太極圈也欠缺不下夫二人共代之

一勾子曰上所以衛生氣是從輔弼之宮說下所以聚明堂是從朝迎侍衛四字說解得上下二字明白則龍虎之情意得矣

鑽葬法

小乃陽窩當以鑽法葬之深開金井築土堅固小起墳堆何以故以龍虎低也語云藏軍隱馬不畏寒藏隱二字最有味如寶平其陽窩氣便海散鑽者鑽入於下也亦彌堅之意必土佳者是若一塊鬆砂鑽之必絕

一勺子曰低作穴以就龍虎使無孤露非舍本而求末實重主帥而調卒徒

翼葬法

翼如羽翼之翼求木行龍到頭結穴借外山作龍虎以闢堂氣本為佳地只是兩肩無蓋於風吹生氣便散雖龍真局備亦不發福揚名主增起兩蟬翼砂便得此等穴雖葬后亦可加工但久遠之墳脩之無益以骨被風吹久則曰爛故也

一勺子曰兩翼所以區衛中氣中氣之雜下由於兩翼之無護一重輔弼一重福輔弼重重福不輕真氣之命脉在此故已葬之地兩翼殺來坐宜補之未葬之穴不用之亦可

壘葬法

龍格貴局勢秀砂水交只是入穴處是一片平石圓者如蟬故長者如冬底竹筒無近身龍虎而又不容於裁窩用各土壘成小龍虎以護穴形喝飛龍嘯天蓋龍嘯則氣噴狀其不深藏也雲從龍狀其壘成龍虎以衛穴也又仰窩穴故曰嘯天

一勺子曰此等穴易成易效

圍葬法

有等天地在乎洋處離城甚是四旁嫌其無近身龍虎而大寬又無近身應合則周圍打牆以圍其氣凡圍三面出入門路俱三奇定法

一勺子曰此法北地下江多用之

凹墓法

結穴處或左或右有凹缺則賊風射入須用凹法葬之於當凹處砌一空壙與正穴相連淺深同之更或入他骨於中又於田外堆一小山以蔽其凹則房分均而福力大

一勺子曰凹得祥風福項臻煞風殃立至雖作一空壙入他骨亦終無用

伏墓法

龍虎齊相讓闊便不佳然可以人力伏之其法有二一則削平之便無闊射之形一則聯為一內堂蓄水從左右几曲放之稍擎拳者更於壙上造屋聯之若南離之向而高擎拳亦無可如何也

曲墓法

龍虎要曲曲則有明堂有爻媾財祿方裕倘兩厝直出極大之地亦飲食艱難難得福山壙無可施工平岡平洋描之使曲可也

一勺子曰直砂有飛走之態曲體有環護之意故直者使曲則護穴得力

閤墓法

下砂不足而用人工補出謂之閤閤之義即陰吸之情也非下手寬而僅築埂閉塞之也

開墓法

一勺子曰俗術止知補下砂亦知陰吸之妙否

第十章

取諸穴前之小明堂而用法者凡几

上砂有餘而用人工掘去謂之開闢之義即陽曜之情也非嫌其砂之順水而去也

穴前小明堂與穴内生氣相表裡所謂外接堂氣者正接此小明堂之氣也地固有龍真穴的而近身元

辰不交者終少年阻滯衣食艱難語云山管人丁水管財祿然有明堂而無毡簷墓得其法亦主財丁有毡簷而無明堂法無可施者雖是大富貴之地亦主衣食艱難鄉發福則知堂氣勝於生氣

一勺子曰堂稱三陽而小明堂之陽尤重以其潛聚元辰活計也非堂氣之勝於生氣以生氣到處無堂氣則不止耳

注葬法

龍勢闊大寬平元辰交遠立穴於盡處則氣薄立穴於氣旺之處則龍氣不住故以注法葬之其法於氣旺立穴而於穴前開一小明堂用石築砌或方或圓大倍於穴較井深一二尺將穴兩旁裁出微微蝦蟇水以會之擇吉方放出或只引一邊近身而界水灣環穴前流下手而去復以之石板蓋其深堂使外視與金井底磚相平而石下虛空注水流通無非脉遇水止之意

一勺子曰此訣可用於腦後作後陰而發福最快俗術專用之於穴前以壯觀美不明宜忌一概用之倘不得其宜災禍立見

隱葬法

龍脉到頭氣旺已止而餘氣尚去注水之處堂局極佳立穴於氣旺之處無其堂則可惜立穴於受堂之處脫其旺氣更不是故以隱法葬之其法於氣甲處立穴放棺不起墳塋受堂處作一假墳放水立碑亦生氣貫棺不貫塚山水朝塚不朝屍之養

一勺子曰貫棺朝塚二句即內接生氣外受朝堂之旨耳意顛倒而詞怪僻

兜葬法

穴有傾瀉則勢便不止不止則氣便不聚主傷小口而艱於衣食法當於數丈前堆一小案或眠弓或蛾眉或玉尺隨其五行及形勢作之可救其失

一勺子曰此法俗多用之

裁筭法

元武嘴長高處裁宜剪去其尖嘴所謂剪火換金也曰裁者不獨以掘去為我有增之成之裁成輔相之意

一勺子曰龍真允的彼有破疵可以裁取龍局不真裁之無益

明算法

明堂固貴圓聚尤貴舒暢若團聚而不舒暢則頭旋替目衣食艱難法當於穴前水聚處開一深池則尤明軒豁始富貴文秀無不如意

一勺子曰開池之法止可用於正局而不可用於零局零局開池反見禍害

制葬法

貴龍結穴鋪出纏纏成乎地火星或二三或四五此是貴秀取鍾裁之固非然終為尖利之殺聽之亦初年大利法當於穴前開一方堂經隨龍水會之汪水五六才以工擇吉方出水蓋內堂明淨則外之尖利為權柄制者制伏其尖煞也

一勺子曰開池以消尖利之煞亦是一法然不可執此以為典要也

蓄筭法

元辰直出固無害真龍之結若外堂寬曠而內堂又直出終為美玉之瑕故法以蓄水以聚其氣發越極快

一勺子曰元辰直出無害真龍之美實見道之言外堂寬曠內堂又直出終為美玉之瑕補足尤為得力

清筭法

有等大地入穴是一片牛皮細密之則兩旁有微分龍虎中有微起脈氣只因口中懸中浮而太多故難

入目也清其界水明堂則穴內生氣自旺形如撲蝶梨花有生死動靜之義
一勺子曰即雕出龍虎之法因其自然而施之

諸葬法

一泓箭射定是孤寒倘龍真穴的宜鑿一大池潛之蓋水得潛則直射之水然脫矣大江洋潮不謂之冲
正以形濶則煞散也

一勺子曰水直形凶猶之則直化

第十一章 控制山川之法凡五

經曰氣之盛雖流行而其餘者猶有止則地固不在窮盡處也雖零散而其深者猶有聚則生氣全以積
蓄而聚也又有在天成象在地成形而人遇之則成事則知吉凶美惡自有預定而大醇小疵者亦可以
人力脩之而不使嘆世界之缺陷也

一勺子曰大醇小疵者可用人力以脩之大禹平水土而地平女媧煉石補天而天成天地且可用人
力以補之而況區區之小疵乎惟小疵可用大禹女媧之力若大疵則亦難乎其為功矣

阻葬法

龍已結穴而餘氣復去似乎脚重身輕法於去山不止處深鑿溝井使山去之形有止蓄之意則氣亦止
蓋形止則氣止形行則氣行豈真有路以穿去乎有以大塊砂石枯炭填實溝井者俗見也

一勺子曰鑿五井以止龍亦是此法但龍之去勢若大雖鑿無益聽其自然可也萬不可斷喪地力以
犯造物所忌

留葬法

龍有穴真而去山不相回顧則破其反面堆其鉤脚使去山有衛我之情則妻孥無拘執之病留與阻多
用於地劫之龍而去勢重者用留輕者用阻留則高堆岡埂阻則深鑿溝井

一勺子曰堆其鉤脚使去山有衛我之情用之最妙栽培地力補滿八情人工勝天巧

揜葬法

揜不善而者善也亦遮塞也有凶煞惡水或種樹造屋亭臺揜之

一勺子曰已葬後吉地或氣吉轉凶水吉變煞不可不揜須知此法非為小人揜過正為君子者舊保金善人端賴仙訣其造福於君子實多也即仙家避劫意

招葬法

招者導之使來也有吉水而不入口則鑿去攔阻而使之到堂有秀砂而不顯出則削去障蔽而使之昭明常有近案醜而遠朝秀者削平其近案固是改近處之頭面亦以招遠方之天氣
一勺子曰招與揜異用而同功招其美固吉揜其惡則亦吉

席葬法

經曰川岳鍾靈產豪雄秀山川聚氣發富發貴乃知富貴豪俊之家俱由山川秀氣所聚而得之也有等大地山園水會而受穴處濶大濶漫則靈氣亦遊散而無的聚之處如用虛圓懸明等法葬之俱不發越以無真明堂故也當以席法作之於穴前開一小明堂而旁開微茫潏潏水會之其外原基即作近身龍虎本案當貴便得席即延席之席所以會聚佳賓好友之處也法與注相似但注以正氣席以邀局理與招相似而招則去濁迎清席則作主正客此多在山岡騎龍成十面星長而近身無龍虎內堂口是龍真局倘彼以知為真結也造化元機出於作者之手非聖人而能若是乎

第十二章

打動龍神之法凡二

陵谷變遷山川改色固天運之開通乎亦人力為之也雖天氣動於上而人為應之有冥知所以然而然者若神明之師則能迎天運而佐之蓋天運到人力至人力盡天運開天乎人乎其相需而並列者乎

一勾子曰天氣動於上而人為應於下神明之師能於天氣之動處而以人為應之非憑空設撰也元
空擬定

開葬法

萬仞山巔窮源僻塢高邱大塚突竊稀少則靈氣為草木家澤立穴雖有佳地葬之不發開者開其境界
而使之通明也法當於深秋久旱之時縱火烈焚然後以人力開之使陽光照臨陰暗潛消富貴自得
一勾子曰斬草以發其光華

鑿墓法

水為山之神每見其方泉源多出則不感傷泉乾渴則消索故水靈山亦靈水滯山亦滯小地首嘗水信
不誣也而打動龍神以水泉為首四如金陵疏秦淮而王霸兆基吳山開文子而人文濟盛闡之人才文
明亦如之故知龍真穴的而近地無泉者當竹林祖塋間受招之處左右各開一池如龍神靈動墓之發
福不然橫不立生是以欲免災禍當疏泉氣
一勾子曰疏泉則引其氣來

賴公墓法終